

¡BOMBA!

De drogas el contrabando
¿qué culpa tiene el tomate?
Pero un loco de remate
sólo en eso está pensando




K'untzil

Miércoles 16 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2521 · www.lajornadamaya.mx

Koos:

Ch'iich' ch'éen u yila'al walkil 12 ja'abo'ob;
ka' chiikpaj tu lu'umil Chiapas



Juntuul u ba'alche'il koos, ti' le maas mu'uk'antak yeetel nojoch yaane', beeychaj u ka'a yila'al tu jo'olaj 12 ja'abo'ob tu noj lu'umil México; ila'ab Lacandona k'aax uuchik u beeta'al u waktéen cha'anil Chiapas Birding Festival 2025, beey uuchik u ya'alal tumen u mola'ayil Dimensión Natural.

Ichil tsikbal beeta'ab ichil La Jornada yeetel máax jo'olbesik Dimensión Natural, Santiago Gibert, beyxan yeetel u yeet meyaj Alan Monroy, ecólogo tropical, tu tsolajo'ob u k'aananil u kaláanta'al ch'iich'o'ob je'el bix le je'elo', tumen oka'an ichil ba'alche'ob yaan jejeláasil sajbe'entsil ti'al u kuxtalo'ob, ts'o'okole' k'a'ananantako'ob ti'al u kuxtalil k'aax yaan tu lu'umil México.

Monroye' tu tsikbaltaje' "ch'iich'o'ob ku ch'úuyo'ob kaja'an ti' neotropical k'aaxo'obe' k'aanan chuuk ku beetiko'ob, tumen lelo' ku beetik u yantal kuxtal tu beel k'aax tu'ux ku yantalo'ob, le beetik keen ila'ako'obe' ku na'ata'al uts yanik ba'al.

"U yíich'ako'obe' nuuktak je'ex u ti'al juntúul oso grizzly, ts'o'oke' ku máano'ob chuuk je'ex juntúul báalame'; mina'an u jeel ch'iich' ku chuuk je'ex leti'o'. K'aanan ti' nojoch k'aax ti'al u yantal. Ti'al u yutsil kuxtal ka'atúul ti' le kooso'oba' k'a'abéet óoli' kex 100 kms cuadradosil ma'alob k'aax".

Gibert tu ya'alaj koose' ila'ab tu winalil abril, ts'o'oke' ma' jach táaj ch'i'ja'ani, "lelo' u k'aat u ya'ale' u yuumo'obe' naats' xan yano'ob; ch'iich'o'obe' ku bee-

tik u k'u'ob ti' ka'anal che'ob, le ku p'isiko'ob kichil 40 yeetel 60 metros u ka'analil, je'ex ya'axchee".

U k'aaba' ich kaastelane': águila arpía (Harpia harpyja), keen u xit u xiike' je'el u p'isik maanal ka'ap'eel metro, yeetel je'el u aaltal tak 9 kilos. Beey jaalk'abilo' je'el u kuxtal tak 50 ja'abo'ob yeetel kex 40 wa k'ala'an ti'al u kaláanta'al. Ku jaantik ba'alche'ob je'el bix ba'ats'o'ob, weecho'ob yeetel perezosos. Ichil u tsoolil Lista Roja de la Unión Internacional para la Conservación de la Naturaleza (UICN), le ch'iich'a' jats'a'an beey juntúul ba'alche' ma' jach mu'uk'a'an yanik ikil táan u k'askúunsa'al k'aaxo'ob yeetel tumen ku máan chukbil. [Oochel Santiago Gibert Isern / Dimensión Natura](#)